

"মিষ্টি বাচ্চারা :- অন্যকে বোঝানোর সেবা করতে থাকো, জ্ঞান ধনের দান করো তাহলেই অপার খুশী থাকবে, সকলের আশীর্বাদ পাবে, বাবার স্মরণ বিস্মৃত হবে না"

প্রশ্ন :- বাচ্চারা, বাবা তোমাদের রুহানী ড্রিল কেন শেখান ?

উত্তর :- পালোয়ান বানানোর জন্য । যত তোমরা বাবার স্মরণে থাকো, পড়াতে মন দাও ততই তোমাদের মধ্যে শক্তি আসতে থাকে । এই শক্তিতেই তোমরা মায়ার উপর বিজয় প্রাপ্ত করে নাও । তোমরা কোনো স্থূল হাতিয়ার ইত্যাদি চালাও না । তোমরা স্বদর্শন চক্রে দ্বারা মায়ার গলা কেটে দাও -- এ হলো অহিংসক যুদ্ধ ।

গীত :- ছোটোবেলার দিন ভুলে যেও না

ওম শান্তি । বাচ্চারা এই গানের অর্থ বুঝবে । বাবা করণ - করাবনহার, তাই না ! তাই এমন - এমন গানও বাবা বাচ্চাদের জন্য বানিয়েছেন । বাবা বাচ্চাদের বলেন, বেহদের মাতা - পিতার সন্তান হয়ে আবার তাদের ভুলে যেও না । এ হলো অনেক বড় স্মরণ । তোমরা স্মরণ করতেই থাকবে । যখন মাতা - পিতা বোলো, তখন সেই পিতার স্মরণ তো অবশ্যই করতে হবে । মাতা - পিতার স্মরণ তো প্রথমে হয় তারপর আশীর্বাদী বর্ষার জন্য বাবাকে মনে রাখতেও হয় । বলা হয়, দৈবী সার্বভৌম রাজ্য তোমাদের ঈশ্বরীয় জন্মসিদ্ধ অধিকার । পরমপিতা পরমাত্মা হলেন বিশ্বের রচয়িতা, তাহলে অবশ্যই তিনি নতুন দুনিয়া স্বর্গেরই রচনা করবেন । বাবা কখনোই এমন বলবেন না যে আমি পুরানো ঘর বানাই । সবসময় তিনি নতুন ঘরই বানান । পুরানো বানাবার কথা কখনোই বলা নেই । বেহদের বাবাও নতুন দুনিয়ারই রচনা করেন । এখন বাচ্চারা জানে আমরা মাতা - পিতার থেকে আশীর্বাদী বর্ষা পাওয়ার জন্য শ্রীমত অনুযায়ী চলছি । এ হলো বুদ্ধির যাত্রা । ওই শরীরের যাত্রা তো জন্ম জন্মান্তর করে এসেছি আর মুহূর্তে মুহূর্তেই তা করি । এই রুহানী যাত্রা কিন্তু একবারই হয় । তাই যাত্রীরা পান্ডাকে কখনোই ভুলতে পারে না অথবা বাচ্চারা মাতা - পিতাকে কখনোই ভুলতে পারে না । তোমরা হলে পাণ্ডব সেনা, সুপ্রীম পান্ডা হলেন শিব বাবা । তোমরা হলে তাঁর সন্তান । মানুষ যখন বদ্রীনাথ বা অমরনাথে যায় তখন বুদ্ধিতে সেই যাত্রার স্মরণ থাকে । বিলেত থেকে ফিরলে যেমন নিজের জন্মস্থানকে মনে পড়ে । তারা সুখী হয় যে আমরা ঘরে ফিরছি । তোমরা বাচ্চারাও জানো যে, আমরা বেহদের ঘর সুইট হোমে যাচ্ছি । অবশ্যই তোমাদের বিকর্মাজিত হতে হবে । এই বাবা এসেই সব শেখান । বলা হয়, স্মরণ বা যোগ ছাড়া তোমাদের বিকর্ম বিনাশ হবে না । যোগের মহিমা অনেক । প্রাচীন ভারতের যোগের গায়ন আছে, এ পুরানোর থেকেও পুরানো । সত্য যুগ হলো নতুন দুনিয়া । তাই এই সময়ে তিনি সেই পুরানো যোগ শেখান । এই যোগের অনেক মহিমা । বাবা এই যোগ শিখিয়ে চলে যান, পরে আবার ভক্তিমার্গ শুরু হবে । তোমরা বলবে এই প্রাচীন যোগ মানুষ মানুষকে কখনো শেখাতে পারে না । আর সমস্ত অনেক প্রকারের যে যোগ আছে তা মানুষ মানুষকে শেখায় । এখন তোমরা বাচ্চারা জানো যে, সকলের প্রকৃত বাবা হলেন একজন, আর সকলের মা হলেন জগদম্বা । এমনিতে তো "ফাদার" সবাইকেই বলে থাকে । মিউনিসিপালিটির চেয়ারম্যানকেও ফাদার বলা হয় । এমন তো অনেকেই হয় কিন্তু গড ফাদার হলেন একজন । তিনি হলেন রচয়িতা । সৃষ্টিও একই । এমন নয় যে, নীচে বা ওপরে কোথাও সৃষ্টি আছে ।

মানুষ কতো চেষ্টা করে যে চন্দ্র বা অন্য গ্রহে গিয়ে জমি কেনে। যখন অতি অবস্থায় যায়, তখন বিনাশ হয়ে যায়। যতই মাথা ঠোকো না কেন।

বাবা এখন বলছেন, প্রিয় বাচ্চারা, তোমরা ছেলেবেলার কথা ভুলে যেও না। এখানে তো প্রথমে বাবার বাচ্চা হয়। সেই বাবাই আবার শিক্ষক হন। এক বাবাই দেন আশীর্বাদী বর্সা। সন্ন্যাসীদের তো মাতা - পিতা নেই তাই তাঁরা সম্পত্তি পায় না। লৌকিক বাবার থেকে তো সবাই সম্পত্তি পায়। পারলৌকিক বাবা হলেন একজন। তাঁকে বলা হয় রচয়িতা। বাবা বলেন, আমি হলাম মানুষ সৃষ্টির বীজরূপ। মানুষ আমার মহিমাও করে। আমি সং - চিং - আনন্দ স্বরূপ। তোমরা এ তো বোঝো যে বাবার মহিমা আলাদা, আর কারোর এমন মহিমা করা হয় না। এই বিশ্বের মালিক লক্ষ্মী - নারায়ণের মহিমা সম্পূর্ণ আলাদা। তাঁদের মহিমা হিসেবে গাওয়া হয় -- সর্বগুণ সম্পন্ন, অহিংসা পরম ধর্ম, মর্যাদা পুরুষোত্তম। প্রথম নম্বরে হলো স্বর্গের মহারাজা - মহারাণীর মহিমা। সেই রাজ্যই হলো এমন। যথা রাজা - রাণী তথা প্রজা। সেখানে দুঃখের কোনো নামই থাকে না। প্রজাদেরও কোনো দুঃখ থাকে না। এমন দুনিয়া তো অবশ্যই পরমপিতা পরমাত্মাই রচনা করেন। তাঁকে বলাও হয় হেভেনলি গড ফাদার। যদিও ইংরেজরা প্রায়ই বলে থাকে হেভেন কিন্তু তারা বুঝতে পারে না যে, স্বর্গ কেমন হয়। এই ভারতই স্বর্গ ছিলো। ভারতের অনেক বড় মহিমা। তোমাদের শত্রু হলো রাবণ। তোমাদের এই বেহদের রাজ্য হারিয়ে ফেলার মূলে এই মায়া হলো শত্রু। অর্ধ কল্প ধরে তোমরা এই রাজত্ব হারিয়ে ফেলেছো। হারাতে হারাতে তোমরা সম্পূর্ণ কাঙ্গাল হয়ে গেছো। আবার তোমরাই রাজ্য ভাগ্য প্রাপ্ত করো। তোমাদেরই হিরো - হিরোইন বলা হবে। এক হিরো - হিরোইন, তারপর তাঁদের বংশাবলী, তোমরা সকলেই হিরো - হিরোইন হও অর্থাৎ সমগ্র বিশ্বে তোমরাই বিজয় প্রাপ্ত করো। তোমরা এই সময় হিরো - হিরোইনের অভিনয় করছো। সমগ্র বিশ্বে বাবা তোমাদের হিরো হিরোইনের টাইটেল দেওয়াচ্ছেন। তোমরা হলে শিব শক্তি সেনা। তোমরা জানো যে, আমরা যোগবলের দ্বারা স্বর্গ তৈরী করি, তারপর সেই স্বর্গে আমরাই রাজত্ব করবো। কিন্তু মায়া এমনই যে, সব ভুলিয়ে দেয়। যেমন এক সেকেন্ডেই জীবনমুক্তি পাওয়া যায় তেমনি মায়াও এক সেকেন্ডেই সব ভুলিয়ে দেয়। জীবনমুক্তিকে বাতিল করে এক সেকেন্ডেই মৃত্যুবরণ করে। বাবা তো বোঝাতে থাকেন, বাচ্চারা, জীবনের এই পথ পরিক্রমা অনেক লম্বা। সবসময় বাবাকে স্মরণ করলে অন্ত মতি তেমন গতি হয়ে যাবে। যেই মাতা - পিতার থেকে বেহদের আশীর্বাদী বর্সা পাওয়া যায় তাঁর থেকে যদি মুখ ঘুরিয়ে নেয় তাহলে সেই নরকে চলে যায়। বাচ্চারা লক্ষ্যেতে ভুল ভুলাইয়া দেখেছে, ভিতরে গেলে মানুষ দ্বিধায় পড়ে যায়। এও ঠিক এমনই। বাবা আর বাবার ঘরকে ভুলে যাওয়ার কারণে মানুষ ধাক্কা খেতে আর মাথা ঠুকতে থাকে। রাস্তা যিনি দেখান, তিনি তো উপরে রয়েছেন।

বাবা বলেন যে, তোমরা এখন শ্রীমতে চলে মায়াকে জয় করার পুরুষার্থ করছো। এমন নয় যে আজ মাতা - পিতা বলে কাল তাঁদের ভুলে গেলে। এখানে তো অন্য সঙ্গ ত্যাগ করে একের সাথে জুড়তে হবে। ভক্তিমার্গে গাওয়াও হয় ---- আমি বলিহারি (সমর্পিত হব) যাবো -- সব সমর্পণ করবো -- কিন্তু নাম নেয় কৃষ্ণের। বাস্তবে কৃষ্ণের কোনো কথা নেই। এ হলো রুদ্র জ্ঞান যন্তু। রুদ্র শিবকে বলা হয়। এমন সামান্য কথাও মানুষ বুঝতে পারে না। বাবা অনেক গীতা পড়েছিলেন। কিন্তু প্রথমে তিনি কিছুই বুঝতেন না। এখন বোঝেন যে তাতে তো ভগবান উবাচঃ লেখা আছে। এই রুদ্র জ্ঞান যন্তুর থেকেই বিনাশ জ্বালা প্রজ্জ্বলিত হয়। মানুষ এই রুদ্র জ্ঞান যন্তুকে কৃষ্ণ যন্তু বলে দেয়। রুদ্রও কৃষ্ণের অবতার, এই কথা বলে এই বিষয় উড়িয়ে দেয়। এখন বাবা বলেন, আমি

তোমাদের রাজযোগ শেখাই তাহলে অবশ্যই রাজত্ব করার জন্য নতুন সৃষ্টি চাই। দীপাবলীর সময় লক্ষ্মীর আহ্বান করা হয় তো মানুষ কতো পরিষ্কার - পরিচ্ছন্ন করে। সে হলো ভক্তিমার্গের রীতি নিয়ম। এখানে তো তোমরা মানুষ থেকে দেবতা হও, তাহলে অবশ্যই নতুন সৃষ্টির প্রয়োজন। এই কারণেই পুরানো দুনিয়ার বিনাশ হয়। গীতায় সম্পূর্ণ পরিষ্কার করে লেখা আছে --- রুদ্র জ্ঞান যজ্ঞের দ্বারা বিনাশ জ্বালা প্রজ্জ্বলিত হয়েছিলো। বাবা হলেন বেহদের সৃষ্টির রচয়িতা। তিনি বলেন, বাচ্চারা, আমি তোমাদের বাবা, আমাকে ভুলে যেও না। আজ তোমরা হাসো, কাল বাবাকে ভুলে গেলেই সব শেষ। তখন এমন কাঁদতে হবে যে কখনো এমন কাঁদো নি। বাদশাহী হারিয়ে ফেলবে, অনেক বড় ক্ষতি হয়েও যাবে। যাদের ক্ষতি হয়ে যায়, এমন মানুষদের মুখ ফ্যাকাশে হয়ে যায়। তাই বাবা বলেন যে, পারলৌকিক বাবা আর তাঁর আশীর্বাদী বর্সাকে ভুলে যেও না। অন্যকে বোঝানোর সেবাও করতে থাকো। সেবায় ব্যস্ত থাকলে তোমরা ভুলে যাবে না। ধন দিলে ধন নষ্ট হয় না, যত দান করবে ততই খুশীর পারদ চড়তে থাকবে। অন্যদের আশীর্বাদ তোমাদের মাথার উপর থাকবে। তোমরা বলবে, এমন পান্ডার কাছে তো বলিহারি যাবো, যিনি আমাদের স্বর্গের রাস্তা বলে দিয়েছেন। এখানে প্রত্যক্ষ ভাবে বাবাকে ধন্যবাদ দেওয়া হয়। বাবা বলেন, আমিই তো তোমাদের সাদাকালের জন্য বেহদের শান্তির দান করি। আমি তোমাদের এমন কর্ম শেখাই যাতে কখনোই দুঃখ, অশান্তি হতে পারে না। কর্মের গতি বড়ই গভীর। বাবা বলেন, আমি তোমাদের কর্ম, অকর্ম এবং বিকর্মের রহস্য বুঝিয়ে বলি। সত্যযুগের কর্ম বিকর্ম হয় না, সেখানে কর্ম অকর্ম হয় কেননা সেখানে মায়া থাকে না। এখন তো মায়ার রাজ্য তাই কর্ম বিকর্ম হয়ে যায়। এখন তোমরা ড্রিল শিখছো এবং পালোয়ান তৈরী হচ্ছে। এই পড়া তো তোমাদের অন্তিম সময় পর্যন্ত পড়তে হবে। যত পড়বে ততই শক্তি পেতে থাকবে এবং বুদ্ধি পেতে থাকবে। প্রত্যেক মত এবং পথ হিসেবে প্রথমে একজন আসেন তারপর বুদ্ধি পেতে থাকে। আজকাল তো দুনিয়ায় অন্ধশ্রদ্ধা অনেক বেড়ে গেছে, এখানে তো পড়া, এখানে অন্ধশ্রদ্ধার কোনো কথা নেই। ওরা এক বক্তৃতাতেই কতো মানুষকে বৌদ্ধ অথবা খৃষ্টান বানিয়ে দেয়। পাদ্রিরাও অনেক বক্তৃতা দেয়, তখন অনেকেই খৃষ্টান হয়ে যায়। এখানে এমন কথা নেই। এখানে তো মায়ার সঙ্গে যুদ্ধ করতে হবে, একে বলা হয় যুদ্ধস্থল। ভগবান এসে থোড়াই হিংসা শেখাবেন। বলা হয়, অহিংসার বল চাই। কিন্তু হিংসক মানুষ কখনোই অহিংসা শেখাতে পারে না। এখন তোমরা জানো, আমরা বাবার থেকে অবিনাশী আশীর্বাদী বর্সা পাওয়ার জন্য সম্পূর্ণ পুরুষার্থ করছি। এই রাজধানী এখন স্থাপন হচ্ছে। মালা ঘুরিয়ে মানুষ রাম রাম বলতে থাকে। ত্রেতার অন্ত পর্যন্ত ১৬ হাজার ১০৮ প্রিন্স প্রিন্সেস হয়ে যায়। এর মধ্যে আটজন হলেন মুখ্য। আট রত্নের অনেক মহিমা। মানুষ থোড়াই বুঝবে যে এর রহস্য কি। আটজন তো পাস উইথ অনার হয়, একদম সাজা খায় না। বাকি একশো তো অল্পস্বল্প সাজা ভোগ করে। বাবা বলেন যে, বাচ্চারা পরিশ্রান্ত হয়ে যেও না। ও রাতের পথিক। এখন আমরা রাতকে ক্রস করে দিনে যাচ্ছি। বাবাও এই সঙ্গমেই আসেন। অর্ধেক কল্পের রাত সম্পূর্ণ হলেই বাবা আসেন এই কারণেই শিবরাত্রি বলা হয়। তোমরা ছাড়া শিববাবার জন্মপত্নী আর কেউই বলতে পারে না। ব্রহ্মার রাত এবং ব্রহ্মার দিনের বেহদের গায়ন আছে। ঘোর অন্ধকার থেকে আলোকোজ্জ্বল প্রভাত হয়। বাবা অন্তিম সময়ে আসেন যখন রাত সম্পূর্ণ হয়ে দিন আসে। তাহলে এ হলো ব্রহ্মার বেহদের রাত। এ তো বোঝার মতো কথা। বাবা নিজেই বলেন, আমি সাধারণের শরীরে প্রবেশ করি। ইনি এনার নিজের জন্মকে জানেন না, আমি বলে দিই যে ব্রহ্মা আর বি.কে. দেব এতো জন্ম হয়েছে। এইসব কথা আগের কল্পে যারা এসেছিলো তারাই বুঝতে পারবে। আমরা এখন বাবাকে জেনে আন্তিক হয়েছি। আমরা বাবার থেকে আশীর্বাদী বর্সা নিই।

আত্মাদের বাবা হলেন একজন । ব্রহ্মাও শিব বাবার সন্তান । তিনি তো দত্তক নেন । তিনি নিজেই বলেন আমি এনার মধ্যে প্রবেশ করি । আর কেউই এমন কথা বলতে পারবে না । বাবা বলেন, প্রিয় বাচ্চারা, বাবাকে কখনো ভুলে যেও না । ভুলে গেলে স্বর্গের বর্ষা হারিয়ে ফেলবে তখন তোমাদের কাঁদতে হবে । এ হলো কল্প - কল্পের বাজী । কল্প - কল্প তোমরা এমন করতে থাকবে । আচ্ছা ।

মিষ্টি - মিষ্টি হারানিধি বাচ্চাদের প্রতি মাতা - পিতা, বাপদাদার স্মরণ - ভালোবাসা এবং সুপ্রভাত । রুহানী বাবার রুহানী বাচ্চাদের নমস্কার ।

ধারণার জন্য মুখ্য সার :-

১) জীবনের লম্বা পথপরিক্রমাতে পরিশ্রান্ত হয়ে যেও না । মাতা - পিতার থেকে কখনোই মুখ ফিরিয়ে নিও না । অন্য সঙ্গ ত্যাগ করে এক বাবার কাছে বলিহারি যেতে হবে ।

২) সুইট হোমে যাওয়ার পূর্বে অবশ্যই বিকর্মজিত হতে হবে । শ্রীমত অনুযায়ী বুদ্ধির যাত্রা করতে হবে ।

বরদান :- সাক্ষীভাবের স্থিতির দ্বারা হিরো পার্ট পালন করে সহজ পুরুষার্থী হও ।

সাক্ষী ভাবের স্থিতি এই ড্রামায় হিরো পার্ট করাতে সহযোগী হয় । যদি সাক্ষী ভাব না থাকে তাহলে হিরোর অভিনয় করতে পারবে না । সাক্ষীভাবের অর্থ হলো দেহ থেকে পৃথক, আত্মা যেন মালিক ভাবের স্থিতিতে স্থিত থাকে । দেহে থেকে সাক্ষী অর্থাৎ মালিক । এই দেহে থেকে কর্ম করাচ্ছি ----
-এমন স্থিতিই সহজ পুরুষার্থের অনুভব করায় কেননা এই স্থিতিতে কোনো প্রকারের বিঘ্ন বা সমস্যা আসে না, এই হলো মূল অভ্যাস । এই অভ্যাসেই অবশেষে বিজয়ী হবে ।

স্লোগান :- ফরিস্তা হতে হলে নিজের সমস্ত সম্বন্ধ এক প্রভুর সাথে জুড়ে দাও ।